



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՈՍՏԻԿԱՆՈՒԹՅԱՆ ՊԵՏԻ
ՆՐԱՄԱՆ



Թիվ 1083-Ն

ՈՍՏԻԿԱՆՈՒԹՅԱՆ ԱՎԱԳ ԼԵՅՏԵՆԱՆՏ ԱՆԱՀԻՏ
ԱՐՄԵՆԻ ԱՐՐԱՀԱՄՅԱՆԻՆ ԿԱՐԳԱՊԱՀԱԿԱՆ
ՏՈՒՅԺԻ ԿԱՐԳՈՎ ՀՀ ՈՍՏԻԿԱՆՈՒԹՅՈՒՆՈՒՄ
ԾԱՌԱՅՈՒԹՅՈՒՆԻՑ ԱԶԱՏԵԼՈՒ ՄԱՍԻՆ

ՀՀ ոստիկանության Երևան քաղաքի վարչությունում կատարված ծառայողական քննությամբ պարզվել է, որ նույն վարչության շտաբի հետաքննության բաժանմունքի տեսուչ /ի հաշիվ ավագ տեսուչի/ պաշտոնակատար, ոստիկանության ավագ լեյտենանտ Անահիտ Արմենի Աբրահամյանը 2022թ. մարտի 14-ից մինչ օրս, առանց հարգելի պատճառների, մեկ և ավելի աշխատանքային օրեր չի ներկայացել ծառայության:

Այսինքն՝ ոստիկանության ավագ լեյտենանտ Անահիտ Աբրահամյանը թույլ է տվել «Ոստիկանությունում ծառայության մասին» ՀՀ օրենքի 42-րդ հոդվածի 3-րդ մասի 6-րդ կետով նախատեսված կարգապահական կոպիտ խախտում:

Ոստիկանության ավագ լեյտենանտ Անահիտ Աբրահամյանին կարգապահական պատասխանատվության ենթարկելու հարցը 2022թ. ապրիլի 13-ին քննարկվել է ՀՀ ոստիկանության կարգապահական հանձնաժողովում, ինչի արդյունքում որոշում է կայացվել միջնորդել ՀՀ ոստիկանության պետին՝ ոստիկանության ավագ լեյտենանտ Անահիտ Աբրահամյանի նկատմամբ կիրառել «Ոստիկանությունից ազատում» կարգապահական տույժը:

Ելնելով վերոգրյալից, հիմք ընդունելով «Ոստիկանությունում ծառայության մասին» ՀՀ օրենքի 42-րդ հոդվածի 1-ին մասի 8-րդ կետը, նույն հոդվածի 3-րդ մասի 6-րդ կետը և ղեկավարվելով 43-րդ հոդվածի 6-րդ մասով, 45-րդ հոդվածի 1-ին մասի 6-րդ կետով, ինչպես նաև «ՀՀ ոստիկանության կարգապահական կանոնագիրքը հաստատելու մասին» ՀՀ օրենքով՝

Հ Ր Ա Մ Ա Յ ՈՒ Մ Ե Մ

1. Կարգապահական կոպիտ խախտում թույլ տալու՝ 2022թ. մարտի 14-ից մինչ օրս առանց հարգելի պատճառների, մեկ և ավելի աշխատանքային օրեր ծառայության չներկայանալու համար, ՀՀ ոստիկանության Երևան քաղաքի վարչության շտաբի հետաքննության բաժանմունքի տեսուչ /ի հաշիվ ավագ տեսուչի/ պաշտոնակատար, ոստիկանության ավագ լեյտենանտ Անահիտ Արմենի Աբրահամյանին կարգապահական տույժի կարգով ազատել ՀՀ ոստիկանությունում ծառայությունից:

2. ՀՀ ոստիկանության Երևան քաղաքի վարչության պետ, ոստիկանության գնդապետ Սևան Քոչարյանին՝

- հրամանի մասին սահմանված կարգով և ժամկետում տեղեկացնել ոստիկանության ավագ լեյտենանտ Անահիտ Աբրահամյանին:

3. Հրամանը հայտարարել ՀՀ ոստիկանության բարձրագույն, գլխավոր, ավագ և միջին խմբերի պաշտոններ զբաղեցնող ծառայողներին:

ՈՍՏԻԿԱՆՈՒԹՅԱՆ ԳԵՆԵՐԱԼ-ՄԱՅՈՐ՝



Վ.Ռ. ՂԱԶԱՐՅԱՆ

« 14 » ապրիլի 2022թ.

քաղ. Երևան